

Wan̄ aber die pferdt/maulesel/esel/die soumsettel tragende / die berg erstei-  
gen mögendt/so legt man erstmalen leinen seck mitt arz gfült auff die soumset-  
tel/welche sie durch die engen wege der bergen / da weder wägen noch schlitten  
ghen mögendt/in die thäler / die den hohen felsen die man schwärlich ersteigen  
mag/vnderworffen/hinab f. edt. Aber auff die felsen welche das ziehend vich  
nicht mag ersteigen/werden lange rollen halltächtig gsetzt/auff Brettern ge-  
macht/vnd quär leisten das sie nicht fallendt/vnderscheiden. In dise werffende  
sie das arz/so man inen mitt dem lauffkarren die nuhr ein rad haben zufüret/  
vnd das selbig in die flache außgeschüttet/ oder in leinen säck züsamen geläsen/  
treget das vich auff den soumsettlen hinweg/oder fürendts mitt schlittē oder  
wägen hinweg:wan̄ aber die kerner das arz / von den hohen schründen des ge-  
birgs hinab fürendt / so brauchendt sie schlaffkerne / die vorn hinten zü/zwey  
grosse stöck 8 beumē auff die erdt hinab glassen/ziehendt/die selbigē wid̄ stonde  
mitt ihrem last dem schnellen lauffen der schwären hunden/die in bauch trögen  
das arz haltendt/vnd wan̄ sie die nicht hetten/müßten sie gar oft kettē an die  
reder legē. Aber so eben dise kerner das arz von dem gebirg/die nicht solche hal-  
den habendt/her ab fürendt / brauchendt sie wägē/welcher trög zwey malen so  
lang seindt als der lauffkarren/seindt also gmacht/das man beide bretter auff  
lupffen möge / wan̄ man das arz widerumb ab den wägen laden will/dan̄ dise  
halten allein die rigell. Aber die kerner verdingendt von den gwerckē oft dreiß-  
sig oder sechzig wägen mit arz herab zü füre / welcher jede zal der maulmeister  
an verzeichnet. Aber etlich arz/sonderlich das zin/so auß den grübenn gezo-  
gen/wirdt in acht oder neun teill geteilt/so die gwercken der grüben / den gwer-  
cken des stollens den neundtē geben. Dis geschicht gar sältten mitt zöbern / oft  
mitt pauchtrögen / die auß pfulbumē an einander gmacht seindt / die gegen der  
hölē ganz glatt vnd eben seindt. Ein jettlicher gwerck aber / der ver-  
schafft dis teil/das ihm durchs loß worden ist/hinweg zü  
füren/zü seiffen vnd zü schmelzen.

Pferdt mitt den soumsettlen A. Ein langer hunde auff den felsen haldechtig  
gsetzt B. Seine Brettstücke C. Ein lauffkarren mitt einem rad D. Ein  
schlaffkarren E. Stöck der beumen F. Ein wagen G. Das arz wirt von  
den wegen ab gladen H. Rigell I. Der maulmeister verzeichnet an dem kerb  
holz die zal der wägen K. Die pauchtrög/in welche das arz so außzeteillen  
ist/gworffen wirt L.

Die